

南豐先生元豐類彙卷之四十二

誌銘

虞部郎中戚公墓誌銘

余觀三王所以教天下之士而至於節文之者知士之
出於其時者皆世其道德蓋有以然也去三王千數百
年之間教法既已壞士之學行世其家若漢之袁氏楊
氏陳氏唐之柳氏其操義風槩有以厲天下矯異世否
耶以予所聞若宋之戚氏其事可以次敘焉公其家子
也敘曰公宋之楚丘人大父諱同文唐天祐元年生歷
五代入宋皆不仕以文學義行為學者師歿其徒相與
號為正素先生後以子貴贈兵部侍郎考諱綸事太宗

真宗以賢能為樞密直學士與其兄臧方郎中維以友
愛聞祥符天禧之間學士以論天書出而郎中亦舉賢
良不就以為曹國公翊善不合去蓋自父子兄弟之出
處如此學士後以子貴贈司徒公諱舜臣字世佐司徒
之少子也恭謹恂恂舉措必以禮擇然後出言與其兄
某官舜賓某官舜舉復以友愛能師其家有先人之法
度聞自天祐至今百有五十餘年天下六易士之名一
能守一善或身不終或至子孫而失者多矣而戚氏之
世德獨久如此何其盛哉然世之談者方多人之器子
儉孫隆名極位世世苟德者以為能守其業是本何理
哉公少以蔭補將作監主簿然三十猶在司徒之側司

徒終而貧乃出監

維立柁又監澗州酒遷知舒州太湖

縣兼提舉茶場治

自惠愛民之留詔從之復三年乃得

代獻詩言賦茶之

可歲用萬數願棄勿採以感動當世

歸監在京監院言

益之利宜通商聽之出通判泗州能

使轉運使不能以

恭歛侵其民而民之養其父者得以

其義貫死又通判

濮州當王則反於貝濮民相驚且亂

公斬一人搖濮中

者驚乃止已而提點刑獄以為功得

改官公不自言轉

知撫州其治大方務除苛去煩州之

詭祠有大帝號者

祠至百餘所公悉除之民大化服徙

知南安軍至未及

有所施為而公蓋已病矣以皇祐四

年六月七日卒於

官年五十有七自主簿九十一遷其

官至尚書虞部郎中公濮州之歸也以其屬與公之配
陳氏凡十三喪葬宋之北原皇祐六年正月八日公之
子師道遂以公從陳氏葬戚氏者衛之大夫孫文子食
於河上之邑曰戚為姬姓之後至後世失其所食邑而
更自別曰戚氏漢有以即從高祖封臨轅侯者曰戚鯁
鯁侯四世而失梁有以三禮為博士入陳卒者曰戚衮
衮稱吳郡益官人侍郎之曾祖曰遠祖曰琮父曰主其
譜曰琮自長豐之戚材徙居楚立故今為楚立人此戚
氏之先後可見者也觀公之守其業者可以知其恭觀
公之施於事者可以知其厚矣然人亦少有能愛之者
蓋世之為聰明立聲威者荒謏恃冒無不遇於世至恭

節賢直不能地顯而遇困變者獨不可稱數余甚異焉
夫封時趨務則材者固亦重矣而立人成信則繫身積
行豈可輕也哉然時之取捨若此亦其不幸不遇慶之
各適其理也銘曰
隆隆戚宗自姬出臨轅益官輝名實傳郎家梁自祖琮
遠世性幽樹儒術司徒郎平藝且賢試符繼公事魁疑
恂恂南安得家規莊容慈辭若遵律盛哉世徽後宜聞
刻銘方珉告幽室

戚元魯墓誌銘

戚氏宋人為宋之世家當五代之際有抗志不仕以德
行化其鄉里近遠學者皆歸之者曰同文號正素先生

贈尚書兵部侍郎有子當太宗真宗時為名臣以論事
激切至今傳之者曰綸為樞密直學士贈太尉有子恭
謹恂恂不妄言動能守其家法英宗之北原余為之誌
其墓者曰舜臣為尚書虞部郎中元魯其子也名師道
字元魯為人孝友忠信質厚而氣和好學不倦能似其
先人者也蓋自五代至今百有六十餘年矣戚氏傳緒
寢遠雖其位不大而行應禮義世世不絕如此故余以
謂宋之世家也元魯自少有大志聰明敏達好論當世
事能通其得失其好惡有異於流俗故一時與之游者
多天下聞人皆以謂江魯之於學行進而未止意其且
壽必能成其材不有見於當世必有見於後孰謂不幸
而今死矣故其死也無遠近親疎凡知其為人者皆為
之悲而至今言者尚為之慨然也元魯初以父任於建
州崇安縣尉不至以進士中其科為亳州未成縣主簿
以親嫌為楚州山陽縣主簿嘉祐六年三月二十九日
以疾卒于官年三十有五妻陳氏內豎承制習之女弄
娶王氏參知政事文憲公堯臣之女有子一人皆先元
魯死而元魯蓋無兄弟嗚呼天之劫施於斯人如此何
也元魯且死時屬其僚誦師陟乞銘於余師陟以書來
告余悲元魯不得就其志而欲因余文以見於後故不
得辭也以熙寧元年某月某甲子葬元魯於其父之墓
側以其配陳氏王氏附將葬其從兄遵道以狀來速銘

銘曰
行足以象其先人材足以施於世用而於元魯未見其
止也生既不得就其志死又無以傳其緒曷以告哀納
銘于墓

尚書都官員外郎陳君墓誌

尚書都官員外郎權知泉州事陳君諱樞卒於位其孤
數以君之喪歸葬於湖州長興縣尚吳鄉雒山原前葬
其弟杞以書之亳州乞銘於南豈曾鞏蓋元豐元年鞏
為福州充福建路兵馬鈐轄奏疏曰臣所領內知泉州
事尚書屯田員外郎陳樞質性純篤治民為循吏積十
有五年不上其課故為郎久不遷方朝廷抑浮競尚廉

系之時宜蒙特詔有司奏樞課優進其官以獎恬退於
是天子特遷君尚書都官員外郎誥曰吾寵樞也所以
戒奔競明年六月甲子君以疾卒享年若干又明年八
月甲寅廼葬君事親以孝聞為人恂恂蹈規矩有善不
自伐於勢與利無秋毫顧計心於義所在侃然自任人
莫能及也為吏去觥角紕雕琢以平易敦樸為務於刑
寧失有罪惟恐傷人於賦役度所不可蠲除者然後謂
發與民為期會未嘗取疾爭先其為民去害與利若疾
痛嗜欲在已所至必興學校以教化為先初尉鄱陽令
得盜五人屬尉使為功君辭不受及令宜黃宜黃在窮
絕山谷之間舊令無顯者至君為之名常出衆上令旌

德亦然旌德之民歲輸米於太平州蕪湖縣倉路回遠
費甚君請輸錢以便民譙縣民輸麥於鄴陽倉以供漕
輸豆於會亭倉以給驛行者君復請輸錢以余供漕以
直給驛行者各得其所便罷縣民絕橋閉門留君以聞
乃得去泉州歲凶君築室止窮民饑者給食病者給醫
人忘其窮使者蒐兵於閩以益戍廣西君建言兵當蒐
者父母老或疾至無他子皆可聽免詔定著於令余嘗
聞繁昌有大姓殺人州縣不能正其罪君時令旌德或
徙其獄屬君君驗治僮客盡得其隱伏殺人者論死人
以為盡其情又聞君之令旌德也州有所賦調他縣皆
奉行至旌德令獨計曰非吾土之所有也非吾人之所

也也不敢以賦民爭或至十口以守恚出語詆君君益爭
州聽然後止最後聞泉州旱丑石圖所以賑民者欲預為
具或譏君近名君不為動此丑石之事余得之於耳目者
也昔司馬遷記前世循吏下上數千載所列敘者五人
詳者人數事略者一二事而已今余所論次君事與前
所記五人者相似否必有能識之者君之事效矣然猶
為所記所試者小也今所試者大則其事可勝傳邪君
字慎之湖州長興人曾祖彥瓊祖文倚考迪贈尚書屯
田員外郎君進士及第初尉饒之鄱陽用薦者令撫之
宜黃避親嫌令宣之旌德用薦者遷秘書省著作佐郎
知毫之譙縣英宗即位恩遷秘書丞德然書資州判官

聽公事遷太常博士今上即位恩遷尚書屯田員外郎
用薦者知越州司錄未至丁父憂服除授三司鹽鐵判
官未至丁母憂服除驛召對崇政殿以為提點淮西刑
獄公事願得治一州徙權發遣明州事未至又徙泉州
留再任以疾請致仕未報而卒母某氏某縣大君娶趙氏
某縣君又娶劉氏吏部員外郎述之女某縣君又娶石
氏某縣君一子敷也君既行治高世皆以謂宜不次用
而任事者亦意嚮君為尤甚然不得卒至中壽而因止
於此其非命也夫余與君好為最久故不辭而銘君墓
辭曰人孰宜之以夷易也物孰誠之以樸質也所處而
安絀外累也所守而固篤自強也古有循吏其尚似也
詩以銘之其常存也

故翰林侍讀學士錢公墓誌銘

公錢氏也故為王家有吳越之地五世祖鏐號武肅王
高祖元瓘文穆王曾祖儼昭化軍節度使祖昭慈贈左
衛將軍考順之立侍禁閣明祿候贈尚書刑部侍郎公
應說書進士賢良方正能直言極諫嘗中其科歷宣州
旌德縣尉大理寺丞殿中丞大常博士尚書祠部度支
司封員外郎工部郎中換朝奉大夫充國子監直講編
校集賢院書籍遷祕閣校理遷為脩英宗實錄院檢討
官直舍人院同脩起居注遂知制誥直學士院遷樞密
直學士翰林侍讀學士嘗通判秀州知婺州入判尚書

考功改開封府判官出知鄆州入判尚書吏部流內銓
兼判集賢院又兼判禮部權知開封府教讀去得知密
官東院兼判軍器監兼提率司天監公事公幼孤家貧
母嫁既長還依其族之大人刻勵就學并日夜忘寢食
於書無所不治已通其大旨至於分章別句類數辨名
叢細委曲無不究盡具見於文辭闕放雋偉故出而與
天下之士挾其所有較於有司常出衆上以其故名動
一時其為尉及為秀婺鄆州皆有治行秀州擊奸休
果於力行婺鄆更革陋壞理具設張為直講以能教誘
學者歸之為核理厲美宗之初慈聖光獻皇后聽政公
三上書請游政天子為之史部謹繩墨選者稱其平為開

封以慈恕簡重為休不求智名以投世取顯為公屬者
有不與公合然公遇之未嘗有厚薄意士以此多公而
為屬者後卒佩服也公於衆不矯為異亦不翦人為
同以其故人莫能親疎至於利勢之際人所競逐公方
墮然跡與衆遠故雖有夸者亦不以公為可忌也公之
為判官也府嘗有獄或深大臣意謂欲有所附致公不
為動徐論其意而已公平居樂易無崖岸及至有所特
立人固有所不能及者類如此也公為人謹畏清約與
人交淡然久而後知其為也公之先既籍疆土歸天子
其後至昭化守和州十有八年以卒詔葬和州子孫居
家焉至公始葬其母於蘇州吳縣龍岡村之天平山故

今又為蘇州人公諱濂字純老封仁和縣開國伯賜服
金紫年六十有一元豐五年正月庚寅卒于位某年某
月某甲子葬天平山從其母永嘉郡太君丁氏之兆公
妻孫氏泰興縣君男曰某曰某蚤世曰崑其官孫曰某
其官公卒上馳使臨視其家知其貧特賜錢五十萬而
官其弟若子孫凡三人公嶼余嘗為僚相善其且歿以
遺事屬余而其家因來乞銘銘曰錢姓武王五世之孫
開迹東南以學以文學則知經文則能賦矧曰方聞揚
聲天路迺校中書廼掌帝制廼列禁林從容諷議治已
伊何維直而清治人伊何維簡而平人以怒遷公能自
克人以利回公能不感士夫所望天子所器胡不百年

胡不二事龍岡之宅考卜維新公安于此尚利後人
刑部郎中致仕王公墓誌銘

君諱達字仲達家晉陽其譜云隋文中子通之後唐季
辟亂家濮陽故今為濮陽人曾祖考溫祖考名犯濮王
諱考翰贈尚書工部侍郎君幼學于母史氏聰警絕人
及長學于侍御史高弁天禧二年及進士第為廣濟軍
司理參軍母喪去姜遵知永興軍府事取君主萬年簿
萬年令免官君行令事大去舊弊王文康公代遵與安
撫使王公轉運使李綺皆薦君宜令萬年詔特以為試
祕書省校書郎知縣事後不得為例晏殊為三司使奏
君為三司檢法官李諮代殊會天聖十年掖庭火諮任

公具材治宮室五日而用足仁宗聞而嘉之遷祕書著作佐郎王駿知益州取君簽書節度判官廳公事遷祕書丞通判益州事遷太常博士新都里胥捕罪人殺之獄具當死君求得其情為奏讞里胥得不死蜀人以為德入為開封府推官賜緋衣銀魚府史馮士元家冒書陰謀廣市郎舍文妓以唱諸貴人一時多與之親會士元有罪繫獄君治之竟真事及諸貴人以其故效得罪去者或謂君禍自此始也君笑曰吾知去惡人耳出為湖南路轉運使蠻人歸附遷尚書刑部員外郎坐小法知夔州池州福州揚州江南西路轉運按察使遷尚書刑部員外郎按知洪州下咸抵其罪改荆湖北路轉運使初諫官李京嘗奏君其事及是京以言事斥監鄂州稅聞君至移病不出君要諭之曰前事君職也於人何負哉卒與之歡甚京死又力贖京家而奏官其子改河東轉運使賜紫衣金魚坐小法知光州逾日遷尚書兵部員外郎徐州知州是時山東大飢君所活數萬人收遺骸為十二家葬之亦數萬是時富丞相為京東東路安撫使自為文祭其冢明年遷尚書工部郎中淮南轉運使歲飢又多所全活就加直昭文館知越州浙東兵馬鈐轄遷尚書刑部郎中判刑部加直龍圖閣知荆南府荆湖北路兵馬鈐轄濬水水利又開新河通漕公私使之請知兗州坐法免起知金州提舉兗州景靈宮知

萊州遷尚書兵部郎中知西京留守御史臺授奉崇福
宮嘗不赴遂乞致仕居鄆州歷寧五年四月癸亥終于
鄆州昭慶坊之私第享年八十有二有文集五十卷君
娶朱氏賈氏高氏高氏封長安縣君其父弁君所從學
者也皆先卒有子五人子駿衛尉寺丞子淵鄆州壽張
主簿子建河南伊闕尉子華子英未仕也女七人適蘄
州黃梅令李綱尚書賊方員外郎馬淵右班殿直侍其
珪進士程行大理寺丞劉士邵鄆州穰縣主簿李毅進
士張伉君為人志意廣博好智謀奇計欲以功名自顯
不肯碌碌所至威令大行遠近皆震然當是時天下久
平世方謹編墨蹈規矩故其材不得盡見於事而以其
故亦多齟齬至老且無窮然君在掖頓顛覆之中志氣彌
厲未嘗有憂戚不堪之色蓋人有所不能及者也君尤
篤於好善一時與之遊者皆當世豪傑知名之士若予
者亦君之所厚故君之葬其子來屬以銘而予不得辭
也君葬於其卒之歲某月某甲子而墓在鄆州之某鄉
某原銘曰

維持材志橫出
安拘牽困羈馬見事為萬之一形則
名不沒

司封郎中孔君墓誌銘

君姓孔氏諱延之字長源幼孤自感厲書耕讀書膾上
夜燃松明繼之學藝大成鄉舉進士第一遂中其科授

欽州軍事推官杜祀之使南方誅歐希範蒙起君策書
君多其書奏謀議皆君為屬草藁監杭州龍山稅知洪
州新建縣又知筠州新昌縣還朝會開封界中治孟陽
河中作而開封奏可罷御史與開封爭不決詔君按視
君言費已鉅成之猶怖利遂從君言知封州即用為廣
南西路相度寬恤民力所更置五十五事弛役二千人
使者欲城封州君爭以謂無益乃不果城遷為廣南西
路轉運判官辭母老不許度西人稀耕者少而賦糴於
民歲有至六百萬石程督與稅等然不過能致數十萬
石而止君計歲糴二十萬石而足高其估以募商販不
賦糴於民初懷智高平惟思南方補虛名之官者八百
人多中戶以上皆弛役後歸下窮君使復其故欽廉
二州蠻戶以採珠為富人所役屬君奪使自為業者六
百家皆安著令交趾使來桂州陰齎貨為市頭負重三
千人君止不與使由此不數至雷州並海守方倪為不
善官屬共告之倪要奪其書悉使官屬并拳繫獄晝夜
榜笞軍事推官呂潛以瘦死君馳至取倪屬吏殺繫連
者七百餘人倪坐法當斬亦以瘦死人謹呼感泣聲動
海上改荆湖北路提點刑獄即本路為轉運使罷鼎州
六寨歲戍土丁千餘人提點刑獄言溪洞南江宜麻稻
有黃金丹砂之產遣人諭禍福以兵勢隨之可坐而取
也君奏以為不可乃止之召為開封府判官以母老辭

知越州移知泉州以母老辭改知宣州未至言者奏越
州鹽法不行故課負坐罷宣州而課法以滿歲為率歲
終越之鹽課應法乃以君為權管勾三司都理欠憑由
司出知潤州未行暴得疾卒京師熙寧七年二月癸未
也年六十有一自欽州九遷至尚書司封郎中賜服絲
魚君之得見於用撥其大者如此君氣仁色溫寡笑言
言若不能出口及見義慷慨辯且強也方微時已數劇
切上官無顧避及老益自強守所聞於古不肯苟隨以
故齟齬一不以易音君事母孝持已約與人交盡其義
其於恩尤至也治人若官一以忠厚不矜智飾名噫可
謂篤行君子矣其家良不足而俸錢常以聚書至老猶

書未嘗日廢也工於為文諸子皆自教以學子多而
天下以為盛云君臨江軍新淦縣人孔子之後四十七
世孫曾大父令情大父文質考中正母劉氏君登朝考
贈光祿卿母封仁壽縣太君娶楊氏封仁和縣君有子
七人文仲台州軍事推官文仲江州軍事推官平仲
州軍事判官和仲進士義仲太廟齋郎餘舉李文三人
襲慶軍節度推官曾學吉州吉水縣主簿應昭式進
士蔡公彥孫男女八人初君樂江州之佳山水買宅將
居之故其子以八年九月乙酉葬君於江州之德化縣
仁貴鄉龍泉原以楊氏附君有文集二十卷其子以余
與君為取舊采乞銘銘曰

有緝厥政流播在民有虧斯又壽美於身孰委于外不
源于內于內易以其豈弟其立相相不回不倚施不
盡有于則多賢易久厥問闕辭幽阡

都官員外郎曾君墓誌銘

君曾氏諱誼字子常建昌軍南城人曾祖暹祖士宗考
克贈殿中丞君進士及第補洪州新建縣主簿循州龍
川令知筠州之上高臨江軍之新淦舒州之桐城三縣
授舉江南東路常平倉兼農田水利差役事權知楚州
歷秘書省著作佐郎至尚書都官員外郎君生而好學
其家學者自君始博聞強記明於大體善屬文一時名
流表右其家故貧然君為人節廉自重罷吏歸常闔門

君不與人事或日具不得會身如也為東平如質慈
在愛人不為刻察所歷縣縣治江東同職欲增賦役錢
君爭不能得自請罷去遂知楚州楚饑四方之船粟
至者市場吏定取價賤予價貴計其贏取於民而
粟未嘗出納也販者為不行人以乏食又取民之食其
後者錮於官禁不得私鬻市井騷然君初止之不變則
按致之法朝廷他吏覆視不能易君言市場吏得罪免
君益不合卒他法罷既去而楚人思之既死楚之人迎
哭其喪甚慟至今言治楚者以君為不可及也君平居
恂恂待卑及遇事不奪其守如此君熙寧九年四月癸
巳卒於開封府咸平之驛舍年五十有一明年某月某

甲子葬於南城之某鄉某原子景初景倩景融景裔景
融景初蚤世女嫁袁州萬載令董沂進士夏時中陳下
母鄭氏崇德縣大君妻傅氏仁壽縣君銘曰
江東之議不俛而隨山陽之治達世所馳有獲之強以
弱犯之有醜之正以獨守之彼不我與我不爾欺尚告
厥志作此銘詩

王容季墓誌銘

容季王氏諱周其先太原人中徙河南其後自光州之
固始徙福州之候官徙候官者五世矣曾太父諱廷金
仕閩王為遠安軍使太父諱居正贈祕書丞考諱平為
侍御史葬潁州之汝陰縣今為汝陰人容季嘉祐六年

進士及第主蔡州之新蔡縣簿治平某年某月某甲子
卒於家年三十有二熙寧某年某月某甲子葬汝陰旌
義鄉衆義管侍御府君之兆母曾氏金華縣君尚書刑
部郎中集賢殿脩撰贈太師中書令兼尚書令某國公
某之女妻賈氏尚書司門郎中昌期之女男女二人男
曰某始若干歲容季孝悌純篤尤能刻意學問自少已
能為文章尤長於敘事其所為文出輒驚人為人自重
不馳騁街衢亦不孑孑為名日與其兄講唐虞孔子之
道以表其內言行出處常擇義而動其磨礱涵養而不
止者吾未能量其所至也不幸其志未就其材未試而
短命死矣初容季之伯兄回深甫以道義文學退而家

居學者所崇而仲兄向子直亦以文學器識名聞當世容季又所立如此學士大夫以謂此三人者皆世不當有籍令有之或出於燕或出於越又不可得之一鄉一國也未有同時並出於一家如此之盛若將使之有為也而不幸輒死皆不得至於壽考以盡其材是有命矣而命之至於如此何也初子直之遺文深甫屬子序之數年又敘深甫之文復數年耳容季葬有日其仲兄固子堅又屬子銘其墓而且將敘其文嗚呼非其可哀也夫銘曰學足以求其內辭足以達其外守之用剛養之用晦如泉之進如木之升奄焉以止不究其成維友作詩以求厥聲南豐先生元豐類藁卷之四十二

南豐先生元豐類藁卷之四十三

誌銘

都官員外郎胥君墓誌銘

君姓胥氏諱元衡字平叔長沙人皇考諱某王考諱某部郎中贈尚書吏部侍郎君少以蔭為將作監主簿六遷為殿中丞賜緋魚袋鎖廳應進士舉得出身又三遷為尚書都官員外郎歷監在京染院內衣庫皮角庫兼書河南南府判官公事通判湖州又通判海州治平三年四月壬寅以疾卒於泗州其年八月庚寅葬於許州陽翟縣三封原翰林君之塋初娶李氏太子少傅若谷之

女再娶韓氏封成安縣君尚書刑部員外郎知制誥
之女子男二人曰茂謀太廟室長次尚幼女二人長早
天君少孤能自奮厲力學問工為文章又謹畏廉潔慕
善而不自放居官雖小法未嘗不慎而不為察察於人
有所能容其大意如此故所至士大夫愛其脩而百姓
歸其恕其在染院二庫雖尚少已有能名及為通判判
官而能益顯蓋所試者大將豈可勝數哉始大臣薦其
文章宜在館閣近臣又薦其脩潔宜任御史朝廷方嚮
用之以為江西轉運判官命始下而君蓋已死矣死時
年三十有九聞其喪者識與不識皆哀之蓋天聖之間
翰林君方處顯好收獎天下之士而名能知人士之出

於其時有盛名於天下者多翰林君發之及其後君既
壯大所與遊士大夫亦皆一時之雋也自天聖至于今總
四十年翰林君之門下士多至大官富貴尊寵君所與
遊士大夫亦多重於時而翰林君亦賓客已久君又蚤
世獨翰林君之夫人健康郡太君田氏年七十與君之
孥羈旅於閭巷君之喪合衆人之睦乃克葬其盛衰之
際如此固所謂命者非耶君之葬以閣校理裴煜以茂
謀之疏來請銘予與君皆嘉祐二年進士故不得辭
銘曰

維艱而勤以敏其繼維平而畏以篤其義考已無遺在
人有賜我志之良孰曰非遂我材之允孰曰非試不申

其期不擴其施有命則然其又何悲尚告後世知者之
辭

劉伯聲墓誌銘

慶曆之間余家撫州州掾張文叔與其內弟劉伯聲從
予遊余與伯聲皆罕與人接得頗意以學問磨礪浸淫
爲事君三年廼別後數年余以貧而仕見伯聲於京師
年益壯學日以益又數年余校書史館伯聲數過余飲
酒談笑道舊故相樂也伯聲未老然以疾故亦衰矣既
而余去京師而東更七州至于亳伯聲子之美來告曰
伯聲死八年矣將死時命之美屬余銘其言曰葬而不
得余銘如不葬也余惟伯聲始從余遊至今三十年見

其少壯至於有疾而衰與之故最久於其死而托銘於
余故不得而辭也伯聲博學爲人質厚沉深寡言笑恂
恂蹈規矩與人遊見其一善者恐不能及見其一失若恐
不能拔其篤於誼如此讀書有大志慨然欲有爲者也
少孤能自立尤貧然營疏屬之業孤姪之嫁娶忘其力
之不足也數以進士薦於鄉卒不合晚乃得試將作監
主簿曾大父澤左補闕贈吏部尚書太父居仁章州單
父縣主簿考敘濟州司理參軍其先清河人自吏部葬
開封府之東明今爲東明人伯聲卒於熈寧五年二月
戊戌年五十有三葬於東明之陽山鄉白駒里以元豐
三年十一月某甲子妻賈汝清書比部員外郎式之女

子四人之美之純之奇之邵二女嫁倪良與李日新張
文叔名彦博余為之叙其文者也銘曰
敏於求已尚行寡言篤於求古實見多聞有就異之而
施則屯維舊則信以諗後人

尚書比部員外郎李君墓誌銘

康定初先人寓南康與李君居並舍是時君年未四十
十游余父子間相好也後十餘歲君為臨安遇余於浙
西道舊故喜甚又十餘歲君已退而家居復見之山陽
又九歲而君年七十有一以卒明年其孤仲熊自山陽
抵京師拜且泣曰願得銘也余惟君游余父子間四十
年矣銘其可辭君姓李氏諱四不字子京初名真卿曾大

父諱某大父諱某考諱某贈光祿卿母丁氏仙源縣大
君繼母王氏仁壽縣太君海州朐山人家故寒也學為
士自君始出舉進士中其科得主楚之淮陰薄歲凶轉
運使調軍食用君主宿州糴他州皆強賊民猶不足君
隨便開誘糴者悅楚糴最他州去為慶州司法參軍能
隨用見聲出眾上薦者十四人不用選寧國軍節度掌
書記轉運使屬君市鈔毛擾致如主糴所市以赤數之
至十萬復最他州又屬君主作院君考校程度所作兵
器錢一萬一千三百二十有四皆精且利他軍州事有
不能決者多屬君君所決者二十有八事蓋復太平州
囚管壽活之明通判歙州林瑀無罪釋之類如此於是

能益白薦者十三人遷秘書著作佐郎用薦者監興元
府稅急吏寬商課歲十有七萬歲中以歲次遷秘書丞
以課遷太常博士以覃息遷尚書屯田員外郎知杭州
臨安縣召為審刑院詳議官賜緋衣銀魚遷尚書郎官
員外郎通判蜀州蜀少事然他州訟有積歲不能決者
轉運使以屬君君所決八事民信服之遷尚書職方員
外郎監在京內衣庫樞密使田况奏用君刪定馬軍司
條貫既成詔加賞資濱州有獄久不能決辭連大臣家
子遣吏治之輒辭詔遣君心決累遷尚書職方郎中以
母老出通判杭州坐法免官復為尚書比部郎中監沂州
承縣盜酒稅未逾月自罷即又監陝州集津梁蓋務不

行以本官致仕元豐三年九月巳外以疾卒山陽之縣
第十一月甲寅葬安樂鄉之揚興里君娶曹氏仙居縣
君再娶喬氏壽安縣君子男七人曰仲熊衛州軍寧推
官曰仲謨以進士再試禮部曰仲將曰仲傑曰仲倩曰
仲昌皆未仕也女六人嫁吳好禮于銳皆奉議郎馬察
于鑾皆進士餘幼也君既自奮技立其家蓋仕四方惟
獨去其親其事兄撫孤弟姪皆盡息意其為吏不獨能
自任其官蓋他吏之不能任其事者或屬君兼任之遊
且裕也不幸一跌世無力振達之者故以坎壈終銘曰
海區氏李有啓慶世富辭與能自約而後日父與子郎
官鄉士曰妻及母翟衣象掃謂勢方利孰輻以毀施不

蓋有故也則增尚佑爾齊以追厥始

司封員外郎蔡公墓誌銘

公諱充字公度天聖二年進士及第為邵武軍之邵武尉又為應天府之下邑尉丁母夫人河間縣太君周氏憂服除為越州司理參軍天平軍節度掌書記遷祕書省著作佐郎知洪州奉新縣祕書丞知遂州小溪縣改通判杭州累遷太常博士尚書屯田度支司封員外郎監在京都進奏院群牧判官知絳州又為提點荆湖北路刑獄公事至和三年七月二十三日以疾卒於澧州之官舍享年七十有一嘉祐二年十一月十三日葬

君衣冠容貌肅然及其臨事以沉默慎靜為主故自起家至於其終凡三十餘年歷內外官任事無纖芥之失其與人遊始若淡然而無足動其意者及其久人人皆退自喜謂公真長者也其為尉參軍掌書記人始以廉節知公及為奉新小溪絳州其政又以平恕不擾聞至其在群牧荆湖數更直諸事人皆服其能其於越州屬將佐交惡府中多向背公獨挺立無所與後將又以貪坐法官屬多不能自全事亦卒無汙公者於戎州屬瀘州叛蠻攻涪并監轉運使用公調兵食禦之兵遂以濟於絳州州歲市羊數萬供京師公奏減之至今賴其法於荆湖既周知官屬善惡於善人多薦籍成就之而於惡

人無所管其法公既能自將顯其材故薦公者尤多蓋
王沂公曾王鄧公詒永與今富丞相弼之居鄆也皆薦
之而鄧公之為樞密使兼群牧制置使也又奏公為判
官其為當世之大臣所知如此初公年十三喪父家貧
尤自克苦養其母及仕未嘗廣田宅喪歸借屋以居曾
祖諱恭祖諱道隆父諱日以公息贈尚書屯田員外郎
世家南城故為南城人娶鄭氏累封宋城縣君子八人
曰冠卿祕書省著作佐郎曰端卿鄭州原武尉曰文卿
曰徽卿曰宋卿曰喬卿曰子卿曰孺卿公歿詔官其一
子蓋公不獨能以其有施於身又能力以其餘教於家
故公之歿也冠卿以材尤知名端卿而下皆謹嚴能世

其家者也女二人嫁邵武尉陳涉進士陳之邵冠卿等
將葬公以銘屬公故人子曾盡銘曰
司封抱能屈初齡秉彜懷德曉於亨沙壘莽崖肆經營
馬羊茁肥獄訟平曠然氣志潔以清自微託隆用兢兢
風流餘徽被家庭子多以才後方興

贈職方員外郎蘇君墓誌銘

熙寧元年春余之同年友趙郡蘇賦自蜀以書至京師
謂余曰軾之六父行甚高而不為世用故不能自見於
天下然古之人亦不必皆能自見而卒有傳於後者以
世有發明之者耳故軾之先人嘗疏其事蓋將屬銘於
子而不幸不得就其志軾何敢廢焉子其為我銘之余

為之記其說曰君諱序字仲先眉州眉山人其先蓋趙郡樂城人也曾太父斬太父祐父泉三世皆不仕而行義聞於鄉里祐生於唐季而卒於周顯德之間嘗以事至成都遇道士異之屏人謂曰吾術能變化百物將以授子祐辭不願道士笑曰是果有以過人矣而吳始以好施顯名君讀書務知大義為詩務達其志而已詩多至千餘篇為人疎達自信持之以謙輕財好施急人之病孜孜若不及歲凶賣田以賑其六隣里鄉黨至孰人將償之君辭不受以是至數破其世示厄於飢寒然未嘗以為悔而好施益甚遇人無味密一與之傾盡無疑礙或數而侮之君亦不變人莫測其心思也李順叛攻眉州君

居園中守禦會其父病沒君治喪執禮盡哀退慰安其母皆不失所宜慶曆初詔州縣中君獨戒其子孫退避人皆服者哀少又安其鄉里皆不願出所以成就之者甚備至渙以進仕起家蜀人祭之意始大變皆喜受李及其後眉之李者至千餘人蓋自蘇氏始而君之季子洵壯猶不知書君亦不強之謂人曰是非憂其不孝者也既而洵果奮發力李與其子賦職皆以文章名天下為李者所宗蓋雖不用於世而見於家稱於鄉里者如此是無傳也已君始以子恩為大理評事後累贈尚書職方員外郎享年七十有五慶

曆五年五月十一日終於家八年二月某日葬於眉山
縣脩文鄉安道里先塋之則夫人史氏蓬萊縣大君二
子曰漢尚書都官郎中提點利州路刑獄公事有能名
曰洵霸州文安縣主簿編纂太常禮書贈光祿寺丞孫
七人位值不欺不疑 不危軾轍軾殿中丞直史館
轍商州軍事推官銘曰

蘇氏祖西值蜀崩分三世高逝以篤吾仁君始不羈勞
躬以年孝于父母施及窮整維維見之卓教其子孫終化
鄉邦孝者誦誦維子若孫同時三人擅名文章震動四
方廼本厥初考祖之自刻詩書金石以畀厥裔

庫部員外郎知臨江軍平范君墓誌銘

嘉祐五年六月辛巳尚書庫部員外郎知臨江軍事范
君卒于位年五十有二其年十月壬酉葬于江州德化
縣之仁貴鄉萬家山前葬其孤屬丑石之故人李中考次
君之官氏邑里與其功行之實為狀授使者使告於輦
曰先君葬既得日月宜有銘孤安期也敢請輦曰君之
行宜有述乃為之誌其墓而銘之其敘曰惟范氏傳敘
受姓自劉累以來其後居江州者出於晉豫章太守甯
之後君諱端字忠道江州德化人也祖祕書省著作佐
郎贈太常少卿諱成象父尚書都官員外郎贈光祿卿
諱應辰君始以父任為太廟齋郎累轉至尚書庫部員
外郎歷德化尉江寧主簿江都令知南昌飛鳥彭山三

縣通判通州使泰州又為勾當開治畿內溝洫長舉陝西河北踞便糴糧草至知臨江軍事而飛鳥以乞養太夫人得監江寧府益稅彭山用薦者得監雲安軍塩井二縣皆不至君聚書萬餘卷強方篤學為人恭遜質儉能自脩飭門內之治肅如也及施於為政以謹法能持廉名於世而世之能觀其內者亦少也始為江都會歲旱張若谷為揚州遣吏數人與君皆出視民田他吏還者白歲善君還獨白田實旱若谷初不是之也君持旱苗力爭乃卒是君所白吳遵路蔣堂為淮南轉運使使君護河役君往視之還言河不可為遂罷君用他吏護役而河果不可為三人者其初皆怒已乃感悟共薦之

而當是之時天下之主財利者方務於急聚歛治民者以立聲威為賢交四方之賓客者又往往嚮意於卑辭貌頽饗燕贈送之禮以其故能傾士大夫以干天下之譽君乃獨推息民教化之意以簡易自守故為雲安王蓋利而議蠲鹽課以數萬為臨江以興學教人為先而厨傳賓客之奉十去其七八四方之往來者或出語訕君君不為之動也其正行直道如此太夫人李氏贊皇縣太君父尚書工部侍郎虛己元配慕父龍圖閣直學士向次配周氏清河縣君父尚書司封員外郎陵子男六人安期安仁安之安世安壽安禮女五人長適和州司戶參軍鄭夷中次適都昌主簿周詠次適郊社

齊郎周佺期餘尚幼孫男六人萃叟岩叟渭叟商叟蒙
叟真叟太夫人之喪君哀感疾四年乃能起凡君之所
既立可謂有士君子之行非耶自不遵先王養士用人
之法而士在閭巷之間者用力於空文居朝廷者馳騁
於虛名以諱世取寵士之於此脩其內察身累行者非自
好之莫能至而世亦罕能知之也故君之事予喜為之
見於文使後之君子得覽焉而君於文章尤長於詩有集
三卷藏於家其銘曰

君性溫溫好退持甲及其臨事釋義而為一世之棄君
獨從之一世之慕君獨遠之行已有常在官無疵曷以
知之耶此銘詩

張父中墓誌銘

君姓張氏名持字父中初名伯虎慶曆三年來自曲江
入太學當是時天子方詔學官歲獻士二人學者以數
百千人獨獻君會學散不報於是時予蓋未嘗識君也
後二年過予之所居臨川始識之君為人深沉有大度
喜氣節重交游一時所與之遊者甚衆而君所尤稱者
廣漢張賁以為年少可進以學者莆陽陳惇蓋君之學
多賁發之而於惇以師友自處也凡君之與人交喜窮
盡其得失其義足以正之而其直未嘗苟止也至其與
衆人接尤溫以莊不妄與之言與之言必隨其材智所
到不病以其所不為故君之交皆憚其嚴而喜其相與

之盡衆人之得君遊者亦皆喜愛而未嘗有失其意者其語曰士生於今勢不足以持世而遊於其間當如此也於臨川出其文章因學子言古今治亂是非之理至於為心持身得失之際於其義余不能損益也後二年死於興國軍某月某日也明年其弟來江南以力之不能將獨負君之骨以歸是時陳惇方以進士得出身約君之弟曰吾忍不全歸吾友耶明年吾得補為吏力能以君之柩歸其弟乃止君年一若干祖某考某君幼孤養於兄嫂嘗曰嫂之於吾猶母也婦能以姑之礼事吾嫂者可以為吾婦矣然卒亦無也君固難交然不易其好而陳惇者與君交尤深也予嘗眎惇與君之相從憂窮

齟齬無不共之其中心豈有利然也世之交友道廢久矣其有之或非此也然則君之事其有取於世教非邪惇以其年某月某日歸君之槨地而屬予銘其辭曰嗚呼父中不如其志孔子曰然何獨於子生而不大天固為之其長在人於此觀之

秘書丞知成都府雙流縣事周君墓誌銘

君姓周氏諱曼字夢臣衢州江山人也曾祖漢規祖德厚父幹君以進士及第歷南劔之將樂建昌軍之南城主簿監虔州雩都銀場又為泰州司戶參軍用薦者為秘書省著作佐郎知宣州南陵縣事遷秘書丞知成都府雙流縣事嘉祐六年正月某甲子至江陵卒於舟中

年五十有一母某氏先娶毛氏又娶祝氏子男三人曰
某曰某女四人君之卒某始七歲清江李中為之具喪
事所須某年某月某甲子君之弟高葵君於某縣某鄉
某所之原君少孤力學不問生業事母以孝稱在仕也
嫁姊之貧者居常分月俸三之一以奉之餘以與諸弟
君與妻子或止食館券而已為人和平質簡其施於為
政亦然及至有所必行人亦多所不能及也其為南城
零都取豪猾尤難治者三人皆繩以法君既見惡果於
繩而去之故其餘皆斂跡不敢犯君法此君之行已居
官已試者也所試者大將豈止於是欤銘曰
兢兢為人疑疑為吏此有愛慕彼無怨讟執厚其有

艱厥施維銘銘之以誌末裔

不肖類彙卷之四十四

誌銘

殿中丞致士王君墓誌銘

君諱某字某其先琅邪人嘗徙家于蜀至君之考又徙
 家于揚故今為揚之江都人曾祖諱錫祖諱得中為直
 廷府獲鹿縣令贈尚書刑部侍郎考諱汝能為尚書都
 官郎中贈尚書工部侍郎君少以父仕為太廟齋郎養
 其父不忍一日去左右至卒喪年已四十餘始出為南
 州司戶參軍歷監劍州銀銅場和州司戶參軍用為
 有監穎州稅去為越州山陰縣尉滑州錄事參軍隨州
 唐城縣令其為銀銅場冶者復業而歲課大溢為縣能

發奸偷為錄事能治獄不撓為令能有惠愛於人其誠
於事者如此其為人君家孝友遇人和易質厚不為
明幾巧以譁世動俗故知之者少而君亦自若也至年
七十遂上書還政遷太子中舍今上即位恩遷殿中丞
賜緋衣銀魚卒於熙寧五年之五月甲辰年七十有七
以其年十月乙酉葬于江都之東興寧鄉馬坊里以其
配永嘉縣君周氏祔有子二人曰綫大理寺丞曰深
州丹徒縣主簿皆有文行能立其家有女一人嫁陸氏
有孫男二人孫女二人尚幼也寺丞娶余之仲妹以書
來乞君之墓銘余不能辭也銘曰
公心以和動已以直不以巧安於自得顯不在躬

送南子敬鴻厥勸銘于此

贈大理寺丞致仕杜君墓誌銘

君姓杜氏澶州濮陽人卒於皇祐元年十月庚申葬於
熙寧八年十月丁酉其墓在濮陽縣桂枝里之樂村以
夫人僊居縣太君潘氏祔君曾王考佐王考廷嗣考均
子男三人曰言曰宗諫皆蚤世曰宗誨殿中丞女二人
馬氏樂氏孫男二人曰良輔餘未名也君諱登字德溫
贈大理評事又贈大理寺丞為人孝友溫良以清靜為
學而以淡泊自足行備於家而譽聞於鄉其自得者
考見於身其有餘者流澤見於後故其年至於八十而
有子能大其門言理之士以此多君也宗誨為人質厚

恬夷世俗之所為有不為者余為襄陽宗誨實僉書而
度判官公事愛其所守而知其有所受也其以君之銘
乞於余故不辭銘曰有以養其內克遐者壽有以行於
外克昌者後帝原歆初追錫命書余與此銘貢于幽壙

胡君墓誌銘

君名敏生於天禧之戊午卒時皇祐之辛卯也既卒之
明年葬於其所家撫州金谿縣之東某里某原字某姓
胡氏父名晏教君學已為之求師又為之求四方善人
君子與之接致其力不敢懈至於老以死不敢變君亦
能奉其意故君之為進士其強學其廣記其博問其能
其辭於其業可以謂之健其事親其居家與人遠不見

其缺虧其約其質其不為其寡言於其行可以謂之脩
夫積其勤以至於業之脩而止薦於鄉積其謹以至於
行之脩而不克顯於世此世之所哀君也然君有可
以慰其親而不疚於其內比於得其欲富貴於一時而
有愧於其心者其得失何如固易知也母某氏妻某氏
子某弟某君嘗學於余也故銘之銘曰

慰其親學也勤短而屯塞不伸震無垠琢斯民

光祿寺丞通判太平州吳君墓誌銘

龍圖閣直學士給事中吳仲庶具書載其子業官世行
治屬余曰吾子某不克壽不得見其志幸得名信後世
則其其不泯泯尚足以慰吾思也余為之述曰維吳氏

以文學直道繼有顯人其家子晚出孟茂亦多以材能
見於世君居其間孝友篤學有大志未見其止其不幸
蚤死故君既自重無所試而其家蓋識君之事亦畧也
君以父任守將作監主簿今上即位恩遷太常寺奉禮
郎是歲進士及第僉書廣濟軍判官公事上書言時事
有人之所難言者部多盜君請取酒場羨錢益賞購轉
運使難其言君以聞詔用君議盜以衰息君以母濟陽
郡君蔡氏憂去官服除遷光祿寺丞通判太平州州賴
以治行部中視河還不入其家將行廣濟圩度姑孰溪
橋壞以水死年三十有三熙寧八年四月某甲子也朝
廷聞而官其一子君娶陳氏尚書職方員外郎亮之女
前君一年死子曰墳郊社齋即曰圻未仕女一人始五
歲君初名秉禮字子鈞其先興國軍某人曾祖考某祖
考某贈戶部尚書仲庶名中復以君卒之二年正月某
甲子葬君南康軍都昌縣沐浴保之龍回山以陳氏祔
銘曰

家紀其行官紀其能收科干少是紹是承維曰未試方
勃而起云胡不遐一跌而逝命則誰為昧不可藉昇爾
萬年式諗以辭

殿中丞監揚州稅徐君墓誌銘

唐之亡疆者分其地為國以十數揚行密有淮南稱吳
海州人徐溫為吳將有功行密死三子相次立溫用事

貴顯溫死其養子知誥遂代楊氏盡有江淮之地稱唐
去溫所與為姓名者姓李氏名昇溫已子知諫事昇為
將死昇追以為中書令臨淄王知諫子遜事昇子璟為
中書侍郎上饒郡公遜子徐君事璟子煜為其秘書郎
賜緋魚袋宋既受命平天下俘李氏以歸徐君亦隨之
京師得為太常寺太祝不樂棄官歸江南父之為殿中
丞監揚州稅以死子天錫為秘書丞亦死女四人其第
二女與季皆嫁呂氏徐君死祥符間後四十餘年嫁呂
氏女有子倚始葬徐君與徐尹之母李氏妻陸氏於楊
州之某原方徐氏之先與楊氏俱起東南收其土地而
有之遭行密子弱徐氏受任其一國至昇遂代吳而徐氏

孫亦皆據士民之上有一三公之勢於其一時富貴之
豈非盛哉百年之後其世遠遲至於徐君遂死而無
以葬葬於異姓之孫盛衰之變何其速也然自前世無
不皆若此富貴之不可以久恃亦何又異也而世之不
安其命者方枉義挈挈以顯其偶得之者又端端恐
失之是真可以常處也哉初東南之地既入於有司天
子憐士民許皆復田其故所有地徐君之地為尤多多
不取有冒徐君之地以賣之者亦不問是以其貧甚而
徐君獨自得徐君諱元榆字僊材好學善屬文吏部賈
黃中嘗試其書判曰元白不足多也尤能詩詩數百篇
號南歸集大抵多慨其不得志徐君之所以自見也嫁

呂氏女之夫名其憐徐君之死無以葬死以屬其子倚
倚貧甚能自力卒葬徐君而誌其父志銘曰

富吾不爭可謂既好之貧吾不懟可謂又安之諸婦此
立女子之為未昭歟聲維此銘詩

永州軍事推官孫君墓誌銘

黔縣之孫氏有起進士為尚書工部郎中廣南西路轉
運使以卒者諱抗以文學見於世其葬在黔之上林有
子亦起進士為永州樞官以卒卒時年二十有八者諱
適亦以文學見稱葬在其父之左將葬其弟適以告而
乞銘於南豐曾鞏其序曰孫氏世家富春唐有徙歛之
後者諱師睦始自別而黔縣之孫氏師睦生延緒延

緒生曰曰生遂良以子恩為尚書職方員外郎職方生
工部工部實生君君年十有四辭親學問江東已有聞
於人往徙臨川王安石受學安石稱之後主越州上虞
簿去以父恩得永州父卒萬里致喪疾不忍廢事既葬
携扶幼老將就食淮南疾益革遂卒於池州大安鎮寔
至和二年始工部為御史不合而出及使南方仆且起
遽卒君尤自力學行請蘊心發其在君又止此君於學
問好其治亂得失之說不佞近卑於為文以古為歸不
夸以浮雖素齋不廢書雖進不忘以止既肆而通矣而
不得極其志其銘曰

孫世來黔拔身艱故為世聞家始自工部工部孰有有

書百篇永州之學自其父傳其果以力其敏以明內有其質外以華英再不以不就其後當後君不有子君多兄弟

尚書都官員外郎王公昔全誌銘

王氏其先太原人世父遷徙而今家撫州之臨川公諱益字舜良曾祖諱某不仕祖諱某以子故贈尚書職方員外郎考諱某以公故即其家拜衛尉寺丞公祥符八年舉進士及第初為建安主簿時尚少縣人頗易之及觀公不為乃皆大畏服其督賦稅未嘗急貧民或有所笞罰唯豪劇吏而以故建安人尤愛之嘗病闔縣為相禱改臨江軍判官軍多諸豪大姓之家以財力自肆而二千石亦有所挾為不法吏乘其然乾沒無所忌公至

以義折正二千石使不能有心以繼以明憚吏使不敢動播居頃之部中肅然諸豪大吏見公皆側目而視至以鄙言目公曰是不可欺也卒不得已以他計出公領新淦縣縣以治聞去改大理寺丞知廬陵縣又改殿中丞知新繁縣縣有宿奸數人公既繩以法其餘一以息信遇之嘗踰月不答一人知韶州改太常博士尚書屯田員外郎嶺以南素習於夷無男女之別日浸月滋為吏者師耳目謂俗止如此允其事雖得有可已者皆不寤公曰夫所謂曰其俗豈謂是耶居郡求姦事最急苟有萌孽一切搃發窮治之高縣翁源多虎公教捕之令歛媚公言虎自死者五與之致州為頌以獻公使婦之曰

政在德不在異州有屯兵五百人代者久不至欲謀為
變事覺一郡皆駭公不為動獨取其首五人即日斷流
之或請以付獄公不聽既而聞其徒曰若五人者繫獄
當夜劫之然後衆乃服詔居南方雖小州然獄訟最多
號難治公既以才能治之有餘遂以無事又因民之暇
時為之理營驛表坊市道巷使皆可以久遠為後利歸
丁衛尉府君憂服除通判江寧府改都官員外郎二千
石常以事倚公公亦為之盡寶元元年二月二十三日
以疾卒於官享年四十六母謝氏封永安縣君娶徐氏
又娶吳氏封長壽縣君子男七人曰安仁曰安道曰安
石曰安國曰安世曰安和曰安上女一人嫁張氏處者

二人安石今為大理評事知鄞縣慶曆七年十一月上
書乞告葬公明年某月某日可遂以其月某日與其昆
弟奉公之喪葬江寧府之某縣某處吾嘗聞鄉里長老
言公為人個儻有大志在外當事輒可否矯矯不可撓
及退歸其家歛色下氣致孝於父母致愛於族人之間
委曲順承一以息自克位不滿其意故在外之所施用
者見於小而已今吾所書是也其大可知則家行最善
已先人嘗從公遊其言亦然而言又與安石友故得知
公事最詳其將葬也使者以安石之述與書來請銘遂
為之銘其尤可哀者也
公堂有母老不覺哀公庭有子仁孝而才世所可喜公

兩棄之莫不皆死公有餘悲

衛尉寺丞致仕金君墓誌銘

今上皇祐二年祀明堂推恩群臣秘書丞金君得以其
父為大理評事致仕五年郊金君為太常博士又得以
其父為衛尉寺丞惟衛尉府君諱某字溫叟淳梁人初
君之考贈大理評事諱某有三子伯曰鼎臣為某軍節
度掌書記仲曰汝臣為太常博士季即君兄弟俱舉進
士書記與仲既起家君因不復肯就舉曰吾兄弟不可
俱去吾親也後三十餘年卒以有子為丞云君有四子
曰君著曰君佐曰君鄉博士也曰君佑兄弟又皆舉進
士博士既有名秩于朝三子皆復養於家蓋其父子兄

兄弟之出處如此何其相似也當是時宋興已百年
士方以材自起於賤貧歆以其所為為天下慨然有志
者也君獨自得於大山長谷之間日從子孫來四方之
客與夫鄉人之老詩書博席之側嘯歌息偃以忘其手
慣然遂其志者也遭天子既宗祀明堂碩朝士大夫皆
褒崇其親歆以風示天下命書寵章降于其家顯榮一
時壽考康寧有孫有曾以承以翼何其祥也君為父節
易無町畦能事父兄衣食奉養自與者嘗取其薄嘗有
盜其牛羊已又盜其所乘馬者君知之皆不較盜卒自
悔以伏蓋君之質與其德又有足多者如是也生於海
化之庚寅卒於嘉祐之丁酉遺命三月而葬於薄遂以

其年十二月四日葬于饒州浮梁縣萬戶山之前夫又
徐氏累贈壽安縣君君之歿也有子四人女六人孫男
九人女十二人曾孫男三人女二人金氏或曰出少昊
金天氏或曰出漢侍中純侯傳至孫則亡至曾孫復侯
而純侯有弟倫倫子若孫四世六人皆侍中以忠孝名
尊顯於世世稱金氏云至君之先皆家京兆唐僖宗時
有令浮梁者遭黃巢亂徙人築險自保所活人以數萬
因留治之九十有七年遂家浮梁以功至檢校尚書右
僕射昭信軍節度使諱某君曾祖也子諱某君祖也博
士以君之外孫尚書屯田員外郎臧論道之狀未屬曰
予為我銘君親吾死足矣 韋不取辭銘曰

卑少恭老惟物之常即強 藥父廼理之士帝用憐然
祀明堂碩裒耄壽風示九 有君勢之亨與享其榮辨功
魏巾於家以息有子有孫 嚴嚴我側志無不得君子之
祥銘以發之君子之光

撫州金谿縣主簿徐洪墓誌銘

嘉祐元年虔州安遠關縣令建安徐洪以撫州金谿主
簿攝安遠事明年八月十一日死安遠十二月其子
書屯田郎中舉以書告君之故人南豐曾鞏曰子為我
銘洪之墓遂考以君世序行已登官卒葬之終始銘於
其墓曰君曾大父某某官大父某某官君字某某為夫
有大志讀書好其治亂得失之大旨為文長於辨議其

奔放馳騁上下反復之際有足莊也夫冠聲號聞四方
初中進士除洪州司戶參軍不就退居夫江之南好個
儻非常之奇節不肯少屈於人居八年以父命始強出
為主簿非其好也君居家遇人無詭譎語如也樂於天
之息為主簿不以非其好故忘其意其治能有愛於天
命富入烟山林之利數十年君始奪之而歸之貧天
類其利益君之所試者小其為日又近而其所既立如
是也享年三十有二死之若干日葬饒州鄱陽東門外
毋其氏其縣君妻凌氏黃氏男一人曰遷孫始二歲安
四夫尚芳也銘曰

嗚呼儒與志果而大不勝于柔以望其外不償其創以

于內胡短其施而多其與父若矢子兒嬰失父維銘
告哀以紉于墓

太子右司禦率府副率致仕沈君墓誌銘

君諱某字某姓沈氏沈氏自齊太子家令約家於吳興
故世為吳興人至君之六父諱某考諱某始自吳興之
東林徙家於錢塘故今為錢塘人君以宗室密州觀察
使宗旦息即其家得為太子右清道率府副率致仕又
以祀明堂息遷太子右司禦率府副率兼官檢校國子
祭酒兼監察御史階銀青光祿大夫勳武騎尉蓋密州
觀察使宗旦者今天子之姪潞王之孫而其母夫人蓋
君之姪也君為人質朴無外飾其居鄉間寬然長者也


其事父兄能力以嚴厥族人能受以均雖饒財為大家
而衣服飲食自與尤寡約至人有急歸我則推財赴之
無錙銖頽惜意隣里歲饑輒發倉以救人有欺其財
者皆不校既老治其家事不肯懈曰吾先人之所以付
我也愛其子孫不以逸曰所以使汝守吾先人之法也
嘉祐二年三月一日以疾卒于家享年七十有六其年
十一月十五日葬錢塘之西城初娶吳氏再娶車氏某
歸君其葬也吳氏實從子三人曰韓曰曉曰時孫八人
曰沔曰溱曰沂曰淑曰灌曰澍曰漸曰澤曾孫三人曰
師揚曰師荀曰師朝時沔沂皆舉進士餘亦皆有學行
蓋君之教也銘曰

赫麟宗子保藩于家天子曰嘻汝惟沈出子假汝寵
其外親東宮之屬有長衛軍命君子家俾休其老以偃
以側服章華好天子命我匪我有求隕然順退媚于林
丘不蘊為機不阻為畦曰遠無仇曰近無疵里巷之依
惟此令人流聞餘澤化其子孫惟身之祥既壽而康惟
後之祥宜熾而昌惟墓有域其歲有石刻此銘詩昭示
無極

寶月大師塔銘

君名脩廣字叔微杭州錢塘人姓王氏九歲出家學佛
居州之明慶院十一歲落髮為僧景佑二年詔賜紫衣
五年又賜號寶月大師治平某年州選為管內僧正熙

寧元年十月感疾癸丑會門人與常所往來學佛之人
告以將終其夕沐浴易衣正坐而卒享年六十有一門
人曰慈化大師了性曰崇照大師了然曰賜紫衣了蘊
以明年某月某甲子為塔葬君於某縣某鄉某原君為
人樂易慈祥有智識度量人不見其喜怒讀五經畧知
大義頗喜為詩少羸多病始學為醫既成而有疾者多
歸之無貴賤貧富皆為之盡其術未嘗有所厚薄尤貧
者或資之衣食以其故自京師至于四方自公卿至于
學士大夫多知其名既見皆樂從之游而鄉邑之人至
于羈旅客其歸之者無不厭其意君於接之雖勞未
嘗有懈倦不欲之色於資之藥物衣食雖窮無未嘗有
所計惜其應外者如此及退而處夫貧富死生之際又
有所不累其心故至於不能自給而未嘗動意至於且
死而未嘗變容改色噫是亦非可銘也歟銘曰
不以貧故累其心此學士大夫所難至於遭死生之變
而不驚又難也君之學不同而自得者則然固不可以
無傳况於名聞於世行信於人故為之書尚使長存



Vertical text on the right edge, likely bleed-through from the reverse side of the page. The characters are small and difficult to read, but appear to be arranged in a column.

